

U. N. C.  
FIRENZE  
1034  
32



N. VIII  
AR

1848

1849

1850

1851

1852

1853

1854

1855

1856

DE SANCTO  
IOANNE EVANGELISTA  
O R A T I O

IACOBI ACCARISII BONON.  
HABITA AB EODEM

In sacello Pontificum Vaticano  
AD VRBANVM VIII.  
PONT. OPT. MAX.

Anno 1628.



ROMÆ, Ex Typographia Cam. Apostolicæ.  
M D C X X I X.

---

*SUPERIORVM PERMISSV.*

*Imprimatur si videbitur Reuerendiss. P. M. Sac. P.  
A. Episc. Bellicastren. Vicesg.*

*Imprimatur.*

*F. Nicolaus Rodulfus S. Pal. Apost. Mag. &  
Vicarius Generalis Ordinis Prædicat.*

ILL.<sup>MO</sup> PRINCIPI  
FRANCISCO  
S. R. E. CARDINALI  
BARBERINO



*IACOBVS ACCABISIVS F.*



VAM tibi orationem dedico (Princeps Illustrissime) ea id agit, vt Iohannem à Christo dilectum comparet fulmini, ac proinde breuissima est, & vix nata instar fulguris extinguitur. Hæc si incondito meæ vocis strepitu

Pontificis Maximi Patruī tui auri-  
bus ingrata fortasse accidit, eius ut  
oculis suavius emicare possit, a tuo  
nunc nomine lucem quærit; atque  
ut minus obtreptantium vocibus  
læderetur, fulmine se armavit.  
Vale.







# ORATIO.



**T**ONITRUI filius Ioannes, qui omnes terras suæ lucis emicatione collustrat (Pater Beatissime) nequaquam sine ictu oculos præterit, sed Christiani orbis verticem ferit, dum in Domini pectus delabitur. Huius fulminis tactu succenditur Christus ardore dilectionis, quam luculenter præ se tulit, eo tempore nominatim, quo moriturus Virginē Matrem Ioanni pro hæreditate legauit. Præ cæteris etiam Discipulis Ioannem se dilexisse cælestis magister significauit, cum abstrusiora Diuinitatis arcana ei tam clare communicauit, vt nobilis Euangelij scriptor æterni Verbi generationem mortalium linguis interdictam potuerit enarrare. O te fortunatum adolescentem; Ioannes, qui dum inter epulas in gremium Christi caput reclinares, mentē ad sinum æterni Patris eleuasti. Inter beatas illas vlnas da vnice dilecte oculis tuis somnum


somnum : nullius enim vigilantis studia tuo sopori præstant, qui vel ipsam Dei sapientiam habes pro puluinari. Iam abunde Parentis tuæ votis factum est satis ; cum tu, non ad dexteram Christi seruatoris sed eas, sed illius complexu fouearis. At quam vereor, ne diutius super illo Diuini pectoris toro conquiescere possis, quod totum curarum tumultu ob mortem impendentem exagitur ; cuius inter horrores, cum tenebræ in vniuersam terram, deficiente in cælo sole inducentur, tuæ dilectionis flammæ conspectiores apparebunt. Quàm apto sunt vbi consilio cæteri sodales tui, cum in cœna illa, quæ proximi funeris apparatus fuit, te deprecatores adhibuerunt, vt de Deserto Dominum interrogares. Tu solus id explorare debes, qui vnus cæteris Apostolis fugientibus, proditum præceptorem ad mortem vsque comita-beris.

Neque vero minus fulminis naturam imitatur Ioannes in duritie, hoc est laborum tolerantia, quos pro Christo suscepit. Quotus enim quisque est, qui illius constantiæ robur non admiretur, quod nec verberum ictus fregerunt, nec olei feruentis ardor emolliuit ? Tu quidem Domitiane Auguste immanissime, an non ebulliente oleo, quo ante Portam Latinam Ioannem extinguere existimabas, fortissimum Athletam, demens, inluxisti, vt robustius spectante Senatu P. Q. R. pro Catholica Religione luctaretur ? Quamobrem, cum animaduerneret Cæsar, se inuito in Vrbe Ro-

ma Christianam pietatem à Ioanne ciuitate donari, eum in Pathmum Insulam relegauit. Sed nihil proficis Imperator crudelissime, nam Exuli suo Roma augustissimum templum excitabit, id est Basilicam Lateranensem, ad quam peregrina fides Euangelij, veluti patria ad tecta confugiet, ibiq; Pontificem Maximum Sacrorum Antistitem collocabit, cuius pedibus Cæsarium tui successorum capita libentissime subiicientur. Sed mirum non est, Ioannem sibi non memisse à Tyrannis, qui etiam serpentes contempsit, dum virulentos, eorum morsus innoxios reddidit. Scilicet rationi maxime consentaneum erat, vt veneno vim auferret Ioannes, cuius ex ore vitalis doctrinæ nectar Christiana posteritas haurire debebat.

Quemadmodum vero fulminum exirus incerti sunt, ita Ioannis mors ignoratur: illud tamen de Sanctissimorum æque, ac sapientissimorum virorum auctoritate constituendum videtur, eum, postquam ab occidente in orientem multiplicis doctrinæ lumine fulgurasset, demum extinctum fuisse. Verum quantam lucem priusquam tumularetur Ioannes Reipublicæ Christianorum attulerit, fidem faciunt præclara nobis ab eo relicta monumenta, quibus planissimè significatur, etiam ipsum fuisse hominem à Deo missum, vt testimonium de lumine perhiberet. Quam ruinam importarit Ethnicorum superstitioni, testentur Idola de suis Aris passim deturbata, in Epheso præsertim Vrbe, quæ sicuti magni-

magnificentissimi Templi structura reliquis Asiæ  
ciuitatibus præstabat, ita omnibus profanæ reli-  
gionis impietate antecellebat. Nimirum in ce-  
leberrima illa Æde consecrata Dianæ supersti-  
tionis tenebræ se se obscuriores, quàm alibi in-  
tendebant. Has dissipauit cœleste fulmen Io-  
annes, qui si vnquam aliàs, vtinam de cœlo  
nunc micans furentium Hæreticorum conatus per-  
cellat, excitatas eorum ignorantix nubes discu-  
tiat, omnia scelerum machinamenta prosternat.  
Vtinam in Christi fidelium Principum corda mu-  
tuas dilectionis flammæ immittat. Tueatur te,  
VRBANE Pontifex Maxime, quem Christus  
liberator Ioanni similem fecit, dum Christiano-  
rum matrem, hoc est Ecclesiam Catholicam, fi-  
dissimæ tuæ tutelæ commendauit.



1034.32





